

# Nakorsaatit pillugit kisitsisitigut paasissutissiineq pillugu Namminersornerullutik Oqartussat nalunaarutaat

Nakorsaatit pillugit inatsisartut peqqussutaanni nr. 1-imi, 12. maj 2005-imeersumi § 23, naapertorlugu aalajangersarneqarput:

## *Kisitsisitigut paasissutissiinermut akisussaasoq*

§ 1. Nuna tamakkerlugunakorsaasiortoq peqqinnissaqarfimmi nakorsaatinik atuineq pillugu ukiumoortumik kisitsisitigut paasissutissaliussaaq, nakorsaatit pillugit peqqussummi § 23-mi oqaaseqatigiit siulliit naapertorlugit.

## *Imarisai ilusaalu*

§ 2. Kisitsisitigut paasissutissanut ilaassapput nakorsaatit peqqinnissaqarfimmit pisiarineqartut tunniunneqartullu.

*Imm.* 2. Najukkani peqqinnissaqarfiit, Dronning Ingridip Napparsimmavissua nakorsiartarfillu nakorsaatit pillugit kisitsisitigut paasissutissiinermut atorneqartussanngorlugit paasissutissanik pisariaqartinneqartunik nuna tamakkerlugu nakorsaasiortumut tunniussissapput.

§ 3. Kisitsisitigut paasissutissat najukkani peqqinnissaqarfikkuutaarlugit naatsorsorneqassapput.

§ 4. Kisitsisitigut paasissutissat naatsorsorneqassapput, minnerpaamik nakorsaatinut makkununga agguarlugit:

- 1) nakorsaatit innersuussutigineqartussaasut nalunaarutigineqartussaasullu,
- 2) nakorsaatit innersuussutigineqartussaasut,
- 3) uumasunut nakorsaatit, aamma
- 4) nakorsaatit niuertarfinni pisiassat peqqinnissaqarfimmit tunniunneqartut.

§ 5. Kisitsisitigut paasissutissat nakorsaatinik atuinerup ineriartorneranik erseqqissumik takussutissiissapput.

## *Atuutilerfia*

§ 6. Nalunaarut atuutilerpoq 1. januar 2006.

Asii Chemnitz Narup

/

Søren Rendal

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut